



光緒順天府志

經政志
鹽法
錢法
典禮

ル 5
1481
27





經政志五

光緒順天志五十八

鹽法

山陰潘通纂江陰繆荃孫覆輯

順天鹽法壞自明季商民不堪其累呻吟愁苦者數十年

聖清受命埽除積弊條理秩如東溼之久而馭以不驚之轡炎灼之毒而擢以清冷之淵迄今蘆臺玉砂上貢

天府物產精美遠過東南非休養生息而能如是乎額引之多寡銷路之利弊均詳著之後之人因其成法而補其不及可也志鹽

法

引額

大興縣

額行五萬二千九百六十八引

撥外州縣行銷一萬七千六百五十六引

新增一萬七千六百五十七引

附采育營一千引

提繳七千九百四十五引

減四千五百三引

減停五千一百七十八引

又減停一萬引

現行二萬五千三百四十三引

宛平縣

額行五萬二千九百六十九引

撥外州縣行銷一萬七千六百五十七引

新增一萬七千六百五十六引

附采育營一千引

提繳七千九百四十五引

減四千五百二引

減停五千一百七十八引

又減停一萬引

現行二萬五千三百四十三引

良鄉縣

額行三千七百引

分銷京鹽一百七十引

提繳三百八十七引

減三百四十八引

減停四百一引

現行二千七百三十四引

固安縣

額行四千七百八十二引

分銷京鹽二百二十引

提繳六百五十引

減四百三十五引

減停五百一引

現行三千四百一十六引

永清縣

額行八千引

提繳一千二百引

減六百八十引

減停七百八十二引

現行五千三百三十八引

東安縣

額行一千四百引

分銷京鹽四百三十二引

減一百八十三引

減停二百一十一引

現行一千四百三十八引

香河縣

額行八百六十四引

加增七百六十引

新加一千九百引

又新加五百引

減四百二引
減停四百六十三引
現行三千一百五十九引

通州

額行一萬二千六百五十引
分銷京鹽五百八十二引
歸併灤縣營五百五十引
又分銷京鹽二十五引
提繳一千七百九十五引
減一千二百一引
減停一千三百八十一引
現行九千四百三十引

三河縣

額行一千四百二十八引
加增一千二百八十引
新加三千二百引
提繳五百九十一引
減五百三十二引
減停六百一十一引
現行四千一百七十四引

武清縣

額行二千五百引
分銷京鹽一千一百二十引
減三百六十二引

減停四百一十七引
現行二千八百四十一引

寶坻縣

額行二千三百三十三引
加增二千九十七引
新加三千七百二十二引
提繳九百七十八引
減七百一十八引
減停八百二十五引
現行五千六百三十一引

甯河縣

額行七百三十八引

加增六百六十三引
新加一千一百七十八引
提繳三百八十七引
減二百一十九引
減停二百五十一引
現行一千七百二十二引

昌平州

額行七千三百引
分銷京鹽三百三十六引
提繳九百一十六引
減六百七十二引
減停七百七十三引

順義縣 現行五千二百七十五引

順義縣

額行三千六百五十引

分銷京鹽一千引

提繳四百六十五引

減四百一十九引

減停四百八十一引

現行三千二百八十五引

密雲縣

額行四千二百六十八引

提繳四百二十七引

減三百八十四引

減停四百四十二引

現行三千一十五引

懷柔縣

額行一千一百三十引

分銷京鹽四百一十四引

提繳一百五十四引

減一百三十九引

減停一百六十引

現行一千九十一引

涿州

額行八千七百五十引

分銷京鹽二百一十四引

提繳一千一百六十五引

減七百八十引

減停八百九十七引

現行六千一百二十二引

房山縣

額行二千五百引

分銷京鹽一百一十四引

提繳二百六十一引

減二百三十六引

減停二百七十一引

現行一千八百四十六引

霸州

額行三千五百引

分銷京鹽一百六十一引

提繳三百六十六引

減三百三十引

減停三百七十九引

現行二千五百八十六引

文安縣

額行一千一百引

新增一百三十九引

分銷京鹽五十七引

減一百三十引

減停一百四十九引

現行一千一十七引

大城縣

額行一千一百二十引

新增三百六十六引

分銷京鹽六十八引

減一百五十五引

減停一百七十九引

現行一千二百二十引

保定縣

額行一百七十引

分銷京鹽八引

減一十八引

減停二十引

現行一百四十引

薊州

額行一千四百二十八引

加增一千二百八十引

新加三千二百引

又新加一千五百引

提繳七百四十一引

減四百六十七引

減停七百六十七引

現行五千二百三十三引

平谷縣

額行四百四十引

加增三百八十引

新加九百五十引

又新加五百引

提繳二百二十七引

減二百四引

減停二百三十五引

現行一千六百四引

北方鹽筴之利由來已久周禮地官職方氏東北曰幽州其利魚

鹽唐括地志滑鹽漢廢縣明帝時謂之鹽田又謂之斛鹽城地宜

五穀有鹽池之利是也漢書地理志有泉州鹽官屬漁陽郡在今

里北魏有幽州鹽官竈一百八十唐開元時有幽州鹽屯隸于度

支屯有丁有兵歲得鹽二千八百斛下者千五百斛迄後唐同光

三年趙德鈞鎮蘆臺軍府天津既因地置場又舟行運鹽東去京

國一百八十里相其高阜平闊置榷鹽院謂之鹽倉又曰新倉實

今寶坻後晉高祖籍燕雲十六州以歸遼國遼復置榷鹽院於新

倉而別設轉運使司於燕京遼史百官志作遼亡金以其地為新

倉鎮生齒既繁炊鍋益眾設寶坻鹽使司一員秩正五品副使二

員秩正六品判官二員秩正七品巡捕使二員秩從六品管勾六

員秩正九品寶坻之鹽以三百觔為一袋二十五袋為大套鈔引

公據三者俱備然後得鬻小套或十袋或五袋或一袋每套一鈔

引如袋之數另鹽較其觔數或六之三或六之一又為小鈔引給

之便其售鬻大定二十三年張邦基言寶坻鹽課每石收鹽百五

十觔慮有風乾耗折令加耗鹽二十二觔八錢先一歲貸支償直

以優竈戶二十九年從戶部尙書鄧儼之請減寶坻鹽價以三十文買鹽一觔已而國用不足增爲三十三文承安三年四十二文明昌二年四十三文舊入八十八萬七千五百五十八貫新增之數至一百三十四萬八千八百三十九貫此見于金史者元初設大都等路都轉運鹽使司秩視三品掌場竈之事權辦鹽貨以資國用有同知副使運判爲之貳經歷知事照磨屬焉至元十九年以後罷立不常令戶部尙書員外郎各一員置局於大都賣引大德元年置局於大都賣鹽居民以中統鈔一貫買鹽四觔八兩局設南北二城凡十有五處立法嚴明民甚便益泰定二年局官綱船人等漸有侵盜之弊于是巨商大賈營屬當道奏罷所置之局復從民販賣自是鈔一貫僅買鹽一觔無籍之徒私相犯界煎賣獨擅厚利上碍國課下爲民厲御史戶部尙書並以爲不可元統

二年詔依舊制置局每局日賣十引設官二員中統鈔一貫買鹽二觔四兩毋令雜灰土其中及權衡不得其平凡買鹽過一貫者禁之不及貫者聽之其合賣鹽數令河間運司

大德元年罷大都鹽運司併入河間

分四季起赴京廠用官定法物兩平稱收分給各局行之數年河間運司不以時起運京廠支撥垂盡言於戶部乞依例運解俾民間食鹽不闕戶部准其言仍募有產業船戶互相保識以千引爲一綱撥場官一員或本司奏差或監運巡鹽每員管押一綱限期一月赴京廠交卸但有雜和沙土虧短鹽觔並令本綱船戶押運場官奏差監運諸人按數均賠依例坐罪至正三年監察御史王思誠侯思禮復言京師設局賣鹽法久弊生一貫二觔四兩實不及一觔以上常白鹽一千五百引用船五十艘歲以四月起運官鹽二萬引用船五十艘歲以七月起運運司所遣之人擅作威福

南自臨清北抵通州所至以索截河道舟楫往來無不被擾名為和雇實則強奪所運之舟小而不固滲漏侵盜弊病多端既達京廩不得依時交收淹延歲月困守無聊鬻妻子質舟楫者往往有之又官鹽二萬引每引脚價中統鈔七貫總為鈔三千錠十五局官典俸給歲五百七十六錠官賣之費反不如商販之賤宜革罷官局聽從客旅興販其常白鹽繫內府必用之物起運如故從之寶坻舊有蘆臺鹽使司元貞元年改設場官置司令一員司丞一員是為蘆臺建場之始蘆臺外有豐財場有三汊沽場並隸寶坻今豐財移駐天津三汊沽裁汰竈戶例支工本錢省臺遣官按引分給世祖至元初年給中統鈔三兩後增為中統鈔八兩此見於元史者明祖崛起首定鹽法洪武初年置北平河間鹽運司後改稱長蘆設都轉鹽運使司都轉運使一人從三品同知一人從四品副使一人從

五品判官無定員從六品其屬經歷一人從七品知事一人從八品庫大使副使各一人場大使副使各一人倉大使副使各一人批驗所大使副使各一人俱未入流洪武初制以判官為青州分司轄北十二場同知為滄州分司轄南十二場萬厯二十一年改同知為青州分司判官為滄州分司明職官志長蘆為場二十有四釐規則為三上則十場蘆臺豐財與焉編竈戶百三十有六歲煎白鹽一千八百觔以貢上黑鹽一百四萬觔以給商定邊鎮開中之法薊州歲中鹽六萬七千九百六引引四百觔每一大引折二小引永樂十四年初命御史巡鹽官解舊在崇文門外景泰以後或罷或遣嗣議歲一巡視由濟甯州迤北抵張家灣而授其任於長蘆御史張家灣在通州南十五里有關曰大通估舶之所往來百貨之所輻輳向於此間設鹽倉置批驗所隆慶六年裁革是時梟販盛行私

鹽充斥自東安永清來者託名於進鮮自寶坻來者藉詞於啖馬明目張胆莫敢誰何御史劉條剴切言之香河去場路尤近民慣食私鹽乃定為商鹽到縣按丁派散每鹽十六觔定價一錢官為追比商課未完則官不得考滿蓋萬曆九年定制如此文安僻左之邑亦以官鬻商鹽為苦紀克家之言曰從來鹽法之行只有禁私販以通官商者文安則接口而給如期而征急商課嚴於國賦是非通商以裕民乃厲民以惠商不害於法而害于法不法旨哉言乎良由勝國末造紀綱隳弛故鹽法敝壞至於斯極我世祖章皇帝登極恩詔首蠲啟禎年間鹽課加派名色止按萬曆年間舊額按引征課設立鹽官多循明初舊制而因時增損良法美意超邁前代

國初裁長蘆鹽場為十六既又裁併為十曰興國曰富國曰豐財

曰蘆臺曰越支曰濟民曰石碑曰歸化曰海豐曰嚴鎮蘆臺舊屬寶坻雍正八年分寶坻之梁城所為甯河又為甯河縣地然戶籍仍有隸寶坻者此外若興國富國豐財並駐天津其戶籍或武清或寶坻或甯河有事聚於場無事散於籍相沿久矣長蘆出鹽惟蘆臺最旺亦最精昔人有蘆臺玉砂之喻偶遇潮災

朝廷恆不惜鉅萬帑金以贍竈戶其產鹽之所有六曰崔家河曰

劉家河在甯河縣漢沽莊東南曰李家河在甯河縣李新莊之東曰楊家河曰張家河

在甯河縣寨上莊之東曰邵家河在甯河縣營城莊東南其製鹽之法有二曰煎曰曬

煎者專用人力歲以秋時刈蕩草煎鹽而儲其灰冬日鑿海冰藏之春日攤亭場曝之俟鹽花滲入淋以海水便成鹽滷用石蓮或雞卵試之沈而下者淡浮而橫側者半淡煎皆耗薪必浮而立于滷面乃鹹煎以十二時為一伏火成鹽六鍋鍋得鹽百觔曬者擇

近海之處豫掘土溝待潮水漫入溝旁堅築曬池或九層或七層潮退兩人以繩繫柳兜輓溝水次第入池中曬之試石蓮如前法蓮直立成滴再曬一日成鹽收儲池旁隙地泥封覆其上屹如崇墉豐收之年可得三十餘萬包平收之年不過十數萬而已其行鹽之地八在順天境內者六曰薊州曰寶坻曰香河曰三河曰平谷曰甯河直隸除承德府永甯衛及宣化府屬之宣化赤城萬全龍門懷來蔚西甯懷安保安九州縣易州屬之廣昌縣外河南除歸德河南汝甯三府陝光汝三州及彰德府之考城南陽府之舞陽許州之襄城各縣外其餘並銷蘆鹽在蘆臺等場掣配惟遵化薊州玉田寶坻香河此八州縣者去蘆臺近天津遠其三河平谷甯河引地專銷蘆鹽商人入場配鹽席築成包由薊永分司或遣員一人在場掣放逕自轉運所以省脚價惜商力立法至寬然出場鹽數有定其餘官給支單聽津商赴場批買載海船運津坨坨有新舊之分鹽有生熟之別凡鹽包至津儲于舊坨曰生鹽商人赴運司告掣鹽政莅

焉掣一小包過一小籌掣二十包過一大籌掣畢入於新坨乃為熟鹽其出場無定時亦無定數此場鹽行銷之大略也蘆臺現存竈地三百六十九頃九十六畝三分四釐原額之地每畝額征銀四釐六豪有奇新增之地每畝額征銀四釐四豪有奇灘地二十四頃三十四畝一分九釐三忽每畝額征銀九分鍋四十有六每鍋額征銀七分竈戶一百有三竈丁三百有五每丁額征銀七錢三分四釐八豪有奇遇閏加征一分四釐九豪有奇甯河丁志作銀一分五釐又貢白鹽十八勛八錢九分六釐白鹽之外例貢磚鹽十五勛為一塊場官歲以夏間督飭鍋戶如法製造秋間解送光祿寺交納或四千勛或六千勛雍正十一年奉諭停止乾隆十六年復貢二千勛自是以為常然價由官給運庫歲撥銀三十七兩三錢五分二釐鍋戶第敬謹承辦而已甯河歸

併興國竈戶三竈丁四十有三每丁額征銀四錢六釐六毫有奇
遇閏加征六釐六豪有奇貢白鹽一十觔十四兩二錢有奇甯河志
作征鹽七觔十三兩七錢一分九釐一豪一竈地七頃五十八晦
絲二忽折征銀二分六釐一豪九絲二忽二釐五釐五豪每晦額征銀四釐一豪有奇甯河志作三
九十八晦每晦額征銀七分三釐有奇甯河志作六分草蕩地
一頃五十一晦四釐九豪每晦額征銀二釐六豪有奇歸併豐財
竈戶二十有七竈丁三百七十有一每丁額征銀四錢二分一釐
八豪有奇遇閏加征六釐四豪有奇貢白鹽七觔十三兩七錢有
奇甯河志作折征銀二釐竈地一百四頃八十九晦九分五釐每
分六釐一毫九絲二忽晦額征銀二釐七豪有奇灘地一十五頃三十九晦七分每晦額
征銀六分一豪有奇草蕩地四十一頃二十五晦五分每晦額征
銀二釐五豪有奇鍋九每鍋額征銀三錢一分一釐一豪有奇歸

併富國竈丁一十有四每丁額征銀四錢九分一釐八豪有奇遇
閏加征一分一釐二豪有奇貢白鹽十四觔十兩一錢有奇竈地
每晦額征銀三釐八豪有奇歸併利國竈丁三每丁額征銀二錢
四分一豪有奇遇閏加征六釐二豪有奇貢白鹽二十一觔八兩
七錢甯河志作折征竈地三頃一十二晦三分每晦額征銀一
銀二錢四分八釐分九豪有奇遇閏加征一豪有奇凡歸併于豐財興國富國者由
場官征解歸併於利國者場所裁汰由縣官征解寶坻竈丁舊額
九百一十有二雍正十年撥歸甯河七百一十有五實存一百九
十有七現存一十有四歸併富國征額如甯河竈地舊額八百二
十頃九十六晦六分五釐有奇順治四年圈除四百六十一頃八
十七晦有奇後以馬房駒監之地撥給竈地補償圈除之數雍正
四年八年分五頃二十九晦有奇以開水利九年十年分三百九

十頃五十三晦有奇以屬甯河實存四百二十五頃三十五晦有奇武清竈丁舊額無攷現存二丁歸併富國征額如寶坻竈地舊額九十三頃八十晦四分現存三十二頃三十七晦一分有奇每晦額征銀四分此場竈賦課之大略也鹽之利病在轉運之通塞引附于地課附于引自古爲然明制各州縣並有引額立法未爲不善訖於季世私鹽病課致派地晦人丁以足額而民受其厲後募土商包納仍非良法且鹽徒撓之順治元年將包課州縣改爲部頒引目分薊州二千引三河二千四百引寶坻二千六百引香河平谷皆千六百六十引令商按照分數豫納引課注名綱冊然後赴場配築不許仍前包納以累小民其密雲一縣新增四千一百引亦如之行之十餘年逋課纍纍江南道御史高而明巡鹽御史已下但書御史不著巡鹽二字馮班以爲言部議改歸綱商行運於是新召之

商踴躍從事願增薊州引三百三河引三百平谷引二百獨寶坻舊額旣足不復議增康熙十七年御史劉安國疏言北所剩鹽四十餘萬議將綱引地方見有餘丁比照原額引數酌增引目歲增文安引一百三十有九大城引三百六十有六四十七年從御史桑格巡撫趙宏燮之請增薊州引一萬雍正十年從御史鄂禮之請增薊州引三千二百寶坻引四千九百平谷引九百五十三河引三千二百香河引一千九百十二年從總督李衛之請復增薊州引一千五百平谷引五百香河引五百寶坻之引通原額新增併計一萬七百三十有一旣分設甯河按其村落戶口均平分撥隸甯河者十之二隸寶坻者仍十之八焉大興宛平額引十萬五千九百三十有七謂之京引額大課重常合衆商之力分任然積鹽之多盈千累萬御史呂朝潤請納三引之課行兩引之鹽部議

允行康熙二十九年御史江蘩言外州縣積鹽衆多請俟鄉會考試之年行銷大興宛平兩縣之地巡撫于成龍議行數年之間外鹽暢銷商人稱便實則藉名隱射官無如何康熙三十九年庚辰會試代銷外鹽十萬四千四十二年從巡撫李光地之請加引三萬五千三百一十有餘引三以符舊額罷代銷之例以塞弊端自是以來始復一引一鹽之舊而以新加之引勻派通綱分別售鬻外州縣分認京引蓋起於此京商共處一岸疆弱不等銷賣不均康熙二十二年制爲畫一之法曰輸勾輸勾者將商引分爲十勾行於內城爲內勾行於外城爲外勾商人挨勾輪賣毋許凌躐有後至者許次年補勾其鹽由北河舟運至張家灣落廠車運入廣渠門運司遣員二人填給循環單照分司稽察長蘆經歷知事並有管理張家灣循環單照之責御史楊保巡撫趙宏燮奏定章程也京鹽官無考成黃村等處舊有客鹽侵越見今

責成大興宛平縣令照額督銷御史蔣鳴梧奏定章程也大興宛平所轄村莊離城寫遠京鹽疏銷不到十萬之引歲銷六萬有餘後設官鹽店八座開勾銷賣居民不得越境買食商人不得昂價居奇有違法者罪之御史顧琮奏定章程也凡順天引目有京引有順引有綱引有蘆引京引行大興宛平順引行房山良鄉順義密雲懷柔昌平綱引行通州固安永清東安武清涿州霸州文安大城保定舊州營采育營以上三者謂之正引蘆引行香河三河薊州甯河寶坻平谷謂之改引明季每引載鹽六百五十觔國初定制剖一爲三每引二百二十五觔包索在其中征課銀二錢六分五釐順治十三年每引增課銀四分七釐又按明課舊制查出甯餉商滴珠闕額四項每引共增銀四分八釐三豪有奇甯餉者因甯夏用兵加征每引七釐有奇甯餉者因帶鹽十觔加征每引二分五釐滴珠者傾鎔課銀之火耗每引三分闕額者起

科之時比照明制少十五年御史馬騰陞言食鹽之民不增行鹽
征一分三釐有奇明季有備用引四萬五千道發司存
之地仍舊其存司備用之十二萬引難以疏銷萬五千道發司存
亦以備各商支用國朝因之乞將此項課銀勻入正引課額每
引增銀三分五釐有奇而改引不與焉至康熙十七年復增薊課
銀每引四分舊制商鹽掣出多勛議罪罰金謂之割沒後除割沒
之名每引加鹽二十五勛增課銀七分雍正元年每引加鹽五十
勛而不加課乾隆六年減半加課每引增銀四分六釐六豪有奇
綜而計之正引之課每引征銀五錢一分三釐六絲二忽薊引之
課每引征銀五錢一分三釐三豪三絲三忽三微三纖其鹽包額
定三百勛例加耗鹽四十餘勛免其輸課所以備風日之暄散舟
車之耗折體惜至矣乾嘉以後商力支絀逋賦甚夥道光元年提
繳額引一成設為并包之法以十引之鹽改築九包每引載鹽三

百七十八勛二十一年再減額引一成如前法改築每引載鹽四
百一十八勛省運費十分之二二十四年減停額引節課銀九分
之一然而逋欠如故者何也浮費重官價昂私鹽鴟張商鹽壅滯
故也二十八年

詔遣大臣查辦將各項陋規一律禁革但就正課帑利雜款積欠
釐為四項每引加鹽百五十勛征銀二兩六釐五豪有奇按之舊
額有減無增繇是正引之課與薊引之課較若畫一云自來甲年
行運乙年奏銷查辦後許展緩至丙年奏銷其非正課而奏銷者
為昌平牙稅銀實沿襲有明規制蓋當時昌平房山良鄉順義懷
柔密雲延慶七處食鹽皆在通州發賣每引征銀二分二釐一豪
謂之牙稅後因不便於民聽商就地發賣而牙稅銀輸納如故我
朝因之順治六年定額銀三百兩今歸入正課不復立牙稅名目

其鹽價則隨時增損今昔不同大興宛平東安昌平懷柔密雲舊州營每劬制錢十一文良鄉固安永清香河通州三河武清寶坻順義房山霸州薊州平谷采育營每劬十文涿州文安保定每劬九文五毫大城每劬八文五豪乾隆年先後奏增每劬加錢七文道光二十八年減去二文咸豐八年親王僧格林沁駐防天津兵食匱乏請復鹽劬減價以益軍餉復加錢二文此外若河工加價堰工加價皆權宜行事旋增旋減未可以爲準攷長蘆引地武清與天津壤地相接爲公共口岸餘則疆分界畫釐然不容牽混今大興宛平永清甯河昌平固安順義懷柔密雲九縣及通涿二州滯銷之引準勻出三四分在於暢銷州縣售鬻又甯河偏近場竈其老幼殘疾之民例給牌鹽若干劬往來販賣今則易鹽爲錢排日支給八二十四文凡此皆

聖朝寬大之政異數之恩豈不以畿內千里拱衛京輦商民疾苦灼見周知故

閩澤滂沛有加而無已歟各州縣增定引額多見於長蘆鹽法志畿輔唐志諸書茲并取近年以來節次裁減及現今行銷之數詳著于篇

定遠方孝傑校

光緒順天府志五十九

Blank page with vertical lines, likely a separator or a page with very faint text.

經政志六

光緒順天府志五十九

錢法

江陰繆荃孫纂德清傅雲龍覆輯

周官泉府掌之太宰漢志錢法詳於食貨至馬端臨文獻通攷專立錢幣一門以記列代制度國用之盈虛物力之豐嗇不難悉數而知非如顧烜錢譜洪遵泉志僅為賞鑒已也大錢始于周景楮幣造于趙宋均權宜之政非經世之道京師行用錢鈔改自成豐三年鈔法旋停大錢獨暢行無弊初猶同用制錢後乃專行蓋十年於茲矣戶部官書因非常制未曾載入爰重緝案牘董理大凡未能詳考者緣案牘有缺佚也其他錢法非府志所宜載則不書志錢法

順治元年設寶泉局於戶部設寶源局於工部鑄順治通寶錢皆督以侍郎監以滿漢司官錢制每文重一錢其次年更鑄重一錢

二分十四年鑄重一錢四分

列聖相承斟酌而兼用之立法至為美善但私銷私鑄雖全盛之

時不免戶部册按時有銷燬制錢以為銅器者故舊制三品以下官員不得用黃銅器皿康熙雍正兩

朝迭諭步軍統領順天府府尹五城御史等官嚴密訪拏奉行不

力則治以疎縱之罪猶弗能禁止其錢價亦時有贏縮

順天府大興宛平二縣立錢行官牙令平議價直毋使低昂乾隆

九年大學士鄂爾泰等陳八法以平錢價一曰設官局鑄銅二曰

借給當本易錢三曰立市歸併經紀四曰用銀收買雜糧五曰米

局易銀交部六曰當鋪撤錢運局七曰嚴查出京興販八曰禁止

鄉戶私囤行之數月京師稱便嘉慶十四年御史何學林奏京局

鑄錢鉛多銅少輪廓肉好模糊脆薄請力除積弊銅鉛照例配搭

毋任偷減其五城小錢設法收銷

詔從之至道光十三年御史豫益奏京城錢鋪關閉請申明五家

聯保之例戶部册按定例京城開設錢鋪五家聯名互保報明地方官存案如關閉逃走立將鋪戶拘拏押追逾限不完按例治罪所欠錢文令互保各家代償仍各本犯原籍著落家

屬名下追還若五家同時關閉一併拘拏分別押追治罪其後新開錢鋪並不實取聯名保結僅將字號錢鋪捏稱搪塞地方官亦

並不查詢真偽一經關閉其人遠颺無跡日久案銷或事後被獲含混了事最

為地方之害亦得

旨准行至咸豐三年軍旅數起餉需支絀東南道路梗阻滇銅不

至刑部尚書周祖培大理寺卿恒春御史蔡紹洛先後條陳錢法

請改鑄大錢以充度支

朝廷下其議於戶部時壽陽祁寯藻權尚書力贊成之五月先鑄

當十錢一種文曰咸豐重寶重六錢與制錢相輔而行八月增鑄

當五十錢一種重一兩八錢十一月因巡防王大臣之請又增鑄

當百當五百當千錢三種當千者重二兩當五百者重一兩六錢

銅色紫當百者重一兩四錢銅色黃皆磨鑿精工光澤如鏡文曰咸豐元寶而減當五十錢爲一兩二錢當十錢爲四錢四分又減爲三錢五分再改爲二錢六分四年正月寶源局鑄當五錢一種重二錢二分三月鑄鐵當十錢六月鑄鉛制錢亦頗可行使此改鑄之大略也咸豐三年十一月

上諭內閣前因巡防王大臣等奏請推廣鑄造大錢當交戶部議奏茲據該部查照王大臣所議當千大錢以重二兩爲率以次配量遞減期於輕重相權便民利用著卽照部議所有當千當五百大錢均用淨銅鑄造務使磨鑿精工色澤光潤當百當五十當十當五大錢亦須配鑄精良一律完整與制錢相輔而行俾民間咸知寶貴便於行用儻製造稍有粗率偷減著錢法堂侍郎卽將鑪匠人等嚴行究辦該管監督大使各官一併嚴叅戶部右侍郎王

茂蔭奏陳大錢利弊得

旨巡防大臣會戶部密議具奏

戶部

上諭蓋大錢之暢行與否全視在上之信與不信果能設法豫籌爲經久之計不先自壞成法斷無隔閡之理據該侍郎所奏作奸犯科今人甚於古人足徵今日非昔時可比况經營之巧今人亦甚於古人現今大錢初行卽過慮後時雖爲國謀久裕之計獨不計及朝廷聚議小人更增疑也但亦老成之見王等不可先存成見秉公定議未及一年盜鑄如雲而起通州所轄之張家灣及長新店左近西山之內並有私鑪鼓鑄利之所在雖治以棄市之罪趨者若鶩

戶部

上諭刑部奏請酌定私鑄大錢罪名一摺本年刑部辦理王立兒私鑄大錢一案照新定私造官鈔章程擬以斬候業經照議允行

惟原情定罪法在必行現當局鑄大錢膽敢玩法私造卽立置重刑亦屬罪所應得但恐承審各官或因罪名甚重改移情節巧爲開脫是峻法徒爲虛設而藐法奸民轉因此而倖免嗣後私鑄大錢人犯著卽照刑部所請首犯匠人俱發新疆官兵爲奴所有前議斬候王立兒等一案卽著照此辦理至私鑄大錢爲數較多或數不及十千而私鑄不止一次者並著照私鑄制錢本例辦理戶部旋奏停鑄當千當五百者慶惠奏停鑄二百三百四百者得

旨允停

戶部冊

諭內閣前據戶部奏請停鑄當千當五百大錢並慶惠等奏請停鑄當二百三百四百大錢均經降旨允行原以折當稍重恐於民間日用不無妨礙是以斟酌時宜准其停鑄至當百以下大錢子母相權整散互易通行遠近尤爲便民乃據戶部奏稱訪聞近日

當百大錢又有奸商折筭等弊請飭嚴禁等語錢法損益朝廷自有權衡如果於民生稍有不便不難隨時變通若法本盡善而塵市小民妄肆阻撓任意折筭實屬目無法紀此風斷不可長著戶部步軍統領衙門順天府五城一體出示嚴禁嗣後商民行使當百以下大錢儻敢不遵錢面數目字樣妄行折減使用甚至造言煽誘抗不收使以致愚民相率猜疑卽行拏交刑部從重治罪此等奸商阻撓錢法必應從嚴加等懲治著刑部迅速定擬罪名具奏至私鑄大錢人犯業經刑部奏定加重罪名此後私鑄當百以下大錢者並著刑部再行嚴擬罪名具奏仍著步軍統領等衙門認真查拏交部按律懲辦總之法在必行斷不能任令市儈把持妄冀變更成法也旣而當百錢與當五十錢亦壅闕惟當十錢暢行當十錢又分銅鐵兩種順天府各屬徵收丁糧實銀四成寶鈔

三成當十銅鐵大錢三成其畸零小戶准以銅鐵大錢與鉛鐵制錢搭配呈繳七年正月忽訛言徧五城一日而鐵錢頓廢官役比戶曉諭民不信從遂只存銅當十錢一種沿用至今此又改鑄後遷變之大略也夫

朝廷變法之意原期于子母相權公私有益救時良策無過於此乃始淆於盜鑄之濫惡再壞於奸商之折減而本意失矣錢市以錢買銀大錢與制錢價直懸殊計銅當十錢一僅抵銅制錢二而寶泉寶源兩局鑄一銅當十所費實不止二銅制錢戶部九年九

月諭御史徐啟文奏請嚴禁私銷私鑄以通錢法一摺據稱京師現行之銅當十錢最爲饒裕近日驟行短絀推原其故京中銅當十錢一文僅抵銅制錢二文若改鑄制錢可得三四文必有奸民牟利盜銷改鑄之弊至通州天津等處行用銅制錢每聞挑選大

小厚薄如無私錢攙和何由妄生區別等語盜銷盜鑄本干法紀况私錢日多則官錢日少於民用大有關係著順天府府尹直隸總督派委委員認真稽查如有前項不法之徒卽行嚴拏懲辦毋得任聽吏胥藉端騷擾以重錢法而利民生將此各諭令知之然流布已三十年矣各直省皆奉

諭改鑄其後或鑄而未行或行而旋罷卽四路各屬二十二州縣亦尙循用制錢大錢止行於京城十餘里之外卽不能行使初行大錢令與制錢搭用戶部咸豐六年五月

諭內閣戶部奏搭用制錢成數並籌辦章程一摺制錢大錢相輔而行豈容任意低昂近日大錢漸見流通而各錢鋪開發錢票並不搭用制錢以致民間零星日用諸多窒礙自應亟籌變通以期盡利嗣後京城各官號開放兵餉及開發寶鈔凡兵民到鋪取錢

每京錢一吊均著搭用制錢十分之一其民間錢鋪開發錢票並
著步軍統領衙門順天府五城出示曉諭一體遵照不得專用大
錢儻有奸商不遵搭放制錢之數及將制錢收買出京漁利並擡
價售賣者即著各衙門嚴拏懲辦其錢數不及京錢一吊者或用
大錢或用制錢悉聽民便至阻撓大錢前經定有罪名仍著該地
方官實力訪查以重國法而利民用後絕不用制錢光緒九年御

旨毋庸出示以惑觀聽事遂中止

史劉恩溥奏請出示制錢與大錢相輔而行戶部議准奉

處交出光緒十年三月二十一日軍機大臣奉
旨會議具奏事軍機
諭旨御史
劉恩溥奏疏通現行大錢以利民用一摺著戶部會同順天府五
城御史妥議具奏欽此欽遵並將原摺鈔交到部據原奏內稱錢
法之弊至今當十大錢極矣戶工兩局按卯鼓鑄而原奏於都
門十餘里之外奸商把持壟斷小民生計艱難自行大錢以來百
貨之肩挑背負來京者所得之錢必須向錢鋪攤換制錢方
可攜帶出京於是奸商得之居奇而制錢之不利於窮民者並
於富商大賈因之百物日益昂貴而大錢之不利於窮民者並

利於官紳住戶夫物窮則變變則通則久臣愚以為大錢之弊
不弊於制錢之行於京外以奪大錢之勢乃弊於制錢之不行於
京內以制錢之窮於京外以奪大錢之勢乃弊於制錢之不行於
之說今日誠使京外以奪大錢之勢乃弊於制錢之不行於
攜制錢於京內以廢戶工兩局必將照常鼓鑄於京外以
制錢行則大錢行使於京外以廢戶工兩局必將照常鼓鑄於京外
常行用大錢行使於京外以廢戶工兩局必將照常鼓鑄於京外
為鑄當即出示諭令京城內外無所損又何憚而不行如臣言
鼓鑄當即出示諭令京城內外無所損又何憚而不行如臣言
據御史劉恩溥奏稱京城內外無所損又何憚而不行如臣言
惟查從前辦解京泉寶源兩局鼓鑄錢輔而行自係為疏通錢法起見
雲南額辦解京泉寶源兩局鼓鑄錢輔而行自係為疏通錢法起見
且有一批不到者以現在存局之銅鑄造每年到京不過十萬斤
鑄制錢今制錢既不能鼓鑄而欲民間鑄造每年到京不過十萬斤
惟六分一案不稍輕減製造而欲民間鑄造每年到京不過十萬斤
雜所有一切款項仍放錢總以行官發當十大錢私錢一文重二
市用錢之處順天府五城查京師現在行官發當十大錢私錢一文重二
大率換現錢七申上下城查京師現在行官發當十大錢私錢一文重二
上下城各鎮州縣每銀一兩換錢一千五百內外有減至六串
十大錢一箇抵錢兩箇數略相當權其分兩輕重亦尚有餘擬
令大聽商民隨宜相抵使用既無須籌銅添鑄一切錢當交易均
無庸拘定搭成數目及專用何項錢文經臣等傳同錢商當詢
問利病亦俱稱願總以行使當十大錢為主其有使用制錢者亦

聽商民之便如蒙俞允由臣順天府五城出示曉諭使其行
所固然期於閭市均無紛擾如有擡高票存攬使私鑄等弊仍由
臣等隨時查禁以期官錢暢行無滯所有臣等遵旨會議緣
由理合恭摺覆陳伏乞皇太后 皇上聖鑒謹 奏

寶鈔官票亦始於咸豐三年戶部 冊咸豐三年二月

諭內閣前有旨派左都御史花沙納陝西道御史王茂蔭會同戶
部堂官妥議鈔法奏明辦理茲據花沙納等公同酌議具奏並繪
具官票式樣進呈朕詳加披覽所擬章程各條尙屬周密著卽照
所請爲定官票名目先於京師行用俟流通漸廣再行頒發各省
一律遵辦官票之行與銀錢並重部庫出入收放相均其民間銀
錢私票行用仍聽其便商賈交易亦無抑勒洵爲裕國便民良法
總期上下相信歷久無弊卽使國用充裕官票照舊通行該部卽
遵旨刊刻告示並著步軍統領衙門順天府五城一體出示曉諭
遵行令五城殷實鋪商具結承領戶部 冊十一月

乙丑諭內閣前有旨令戶部製造錢鈔與官票銀錢並行頒發中
外酌定章程具奏茲據該部覈擬條款開單呈覽並遵議克勤郡
王慶惠奏請推廣鈔法一摺朕惟比年以來銀價日昂民生愈困
小民輸納稅課每苦於銀貴而轉運制錢又多未便朕塵念民依
恫瘝在抱酌古準今定爲官票寶鈔以濟銀錢之不足務使天下
通行以期便民裕國著照部議凡民間完納地丁錢糧關稅鹽課
及一切交官解部協撥等款均准以官票寶鈔五成爲率官票銀
一兩抵制錢二千寶鈔二千抵銀一兩與現行大錢制錢相輔而
行其餘仍交納實銀以資周轉京外各庫應放之項官票寶鈔亦
以五成爲限如此明定章程權衡出納之日久中外俱可流通
總期官民交益上下相孚並准五城殷實鋪商具結承領寶鈔俾
民間自行通用卽由五城御史隨時支發驗收並著步軍統領衙

門認真稽查如有偽造等弊卽行按例治罪其有意阻撓不肯行使者以違制論地方官奉行不力者嚴叅懲辦軍營餉精亦分成搭放寶鈔僧忠王格林沁奏改現銀奉

旨駁斥

戶部

十二月

諭軍機大臣等寄諭參贊大臣僧格林沁據順天府奏隨營糧臺詳稱軍營搭放官票寶鈔諸多窒礙另請酌發現銀大錢一摺鈔票甫經頒發商賈藉以流通且出納均以五成尤爲便民善策前經賞給八旗守兵征兵與直境隨征兵丁一月鈔票錢糧正令欲其通行無滯據稱糧臺道員定保以王慶坨地方並無銀錢大鋪且附近之武清東安一帶亦從未試行軍營難以搭放經該大臣札令該道徑詳順天府覈辦該兼尹府尹並未咨查輒據糧臺一面之詞遂定爲實在情形顯係畏難不辦置大局於不顧朕意該

大臣於度支竭蹶情形素所深悉當此新章初定自必力求變通設法施行况與銀錢相間搭放大營各官員應領款項甚多豈不可酌量支發鈔票行與不行轉機在此現方通飭各直省一律遵辦斷不能因該糧臺首倡窒礙之說致各處兵丁有所藉口著該大臣嚴飭糧臺各員酌度情形妥籌搭發毋得率聽該員等模糊影響之談因噎廢食也後以官票寶鈔收買當千當五百大錢

戶部

冊 咸豐四年七月

諭內閣當千當五百大錢甫經行使卽形壅闕者以折當過多私鑄益衆多之所在法難盡除旣停鑄以清其源必收回以防其弊而尤在收之迅速使私鑄無隙可乘則不禁自絕前議以寶鈔收回大錢少則旬日之間多亦不過一月而止不致遷延滋弊捐輸之搭收大錢與大錢換鈔殊塗同歸而一速一遲不無區別仍請

將寶鈔發錢行經紀驗明局鑄大錢如數收回以昭便捷
 論鈔書 昨夕枉過談及鈔票一節 恩未悉其詳然以數月來
 衆心惶惑 昨夕枉過談及鈔票一節 恩未悉其詳然以數月來
 策人排舞 此法深恐弗行 則不備昔人所稱十便且目前濟急之
 亦有數端 此物他日鄙著泉錄中 當首載崇論閎議也 至其流急
 私造最易 非峻刑重賞 不可明曉 所起偽造者 斬告發者 賞
 銀二百五十兩 是也 然地方官 姑息養姦 大吏尤喜博寬厚之譽
 法愈重 愈不肯辦 即如鴉片 煙一姑息 養姦 大吏尤喜博寬厚之譽
 從嚴議問 擬者乎 鈔票以完 納糧省 糧所見 而論各省情形 不同
 迹未到 故鄉不知 南情以 完納糧省 糧所見 而論各省情形 不同
 有官虧人 役姦而 河南山東 則向由糧書 以欺本官 勢難遠覺 小民
 畏吏胥 如虎 狽而 河南山東 則向由糧書 以欺本官 勢難遠覺 小民
 止則朝 素稱 恭順 今以發 乎稽察 之法 宜熟計 若不致 麗釐禁
 黃樹齋 侍郎 前車 之失 又安 可防 儻各 關經 理不 善致 啟隙 釐禁
 不盡 革亦 不 必 盡 革 也 欲 鈔 法 之 暢 行 必 以 交 納 錢 糧 爲 重 但 錢
 糧之 有 耗 久 成 正 供 交 鈔 惟 耗 略 省 其 他 費 概 不 容 省 近 時
 銀價 過昂 山 東 州 縣 民 間 交 銀 兩 費 至 制 錢 三 千 八 百 文 今
 既准 交官 票 又 准 以 寶 鈔 二 千 條 悉 裁 兩 費 不 必 照 市 價 買 銀 斯
 民已 陰受 無量 之 福 若 明 示 科 條 巨 裁 雜 費 在 小 民 相 沿 已 久 輪
 納初 不以 爲 苛 今 遠 裁 則 富 豪 巨 紳 喜 事 外 又 添 包 鈔 名
 之 票 二 千 之 鈔 胥 抵 作 一 兩 之 見 銀 南 省 包 漕 而 外 又 添 包 鈔 名

目至北省州縣官歲入全在地丁之餘贖乃萬金之缺頓減五千
 而藩司之規例庫官庫書之津潤不能裁也 縣報銷之費簿籍之費
 解役車馬口食之費 亦不能裁也 外此一縣捐擬各款不下百十
 事爲數甚鉅 復有工程 派司節壽之費 案件招解之費 以及幕友之修
 交代分賠之費 僚之酬酢 親朋之資助 皆一概如恒而所入驟減
 官署之度支 同僚之酬酢 親朋之資助 皆一概如恒而所入驟減
 祿正所以成 就中材如 閩吏素少 廉名非 其地果 有貪泉 也緣汪
 稼州縣 皆成 瘠苦 甚公 無力 其僅 於考 將閩 省錢糧 雜費 裁革 無
 遺劉燕 庭布政 所談 甚公 無力 其僅 於考 將閩 省錢糧 雜費 裁革 無
 一命議 銀如 干政 所談 甚公 無力 其僅 於考 將閩 省錢糧 雜費 裁革 無
 吏各就 情形 辦兩 尤爲 異聞 然則 完納 錢糧 一節 亦宜 爲令 直省 大
 一外 省民 情如 干政 所談 甚公 無力 其僅 於考 將閩 省錢糧 雜費 裁革 無
 勢所 不免 若官 紛紛 控訴 則案 牘雖 大 弗收 然亦 各示 必用 足矣
 紙之 詞 卽置 官 於 重 典 也 惟 雜 費 不 必 盡 革 官 亦 各 示 必 用 足 矣
 益高 明 以 爲 何 如 於 重 典 也 惟 雜 費 不 必 盡 革 官 亦 各 示 必 用 足 矣
 驟昂 則 大 宛 二 縣 糧 書 一 鈔 票 以 交 納 錢 糧 亦 各 示 必 用 足 矣
 則更 少 此 物 惟 有 部 票 以 交 納 錢 糧 亦 各 示 必 用 足 矣
 公平 交 易 收 其 銀 卽 解 部 然 已 不 能 徧 通 省 各 何 從 購 求 民 間
 藏匿 仍 照 常 徵 收 見 銀 卽 解 部 然 已 不 能 徧 通 省 各 何 從 購 求 民 間
 之囊 於 民 間 究 屬 無 裨 此 層 已 解 時 乃 以 鈔 票 二 種 抵 交 徒 飽 官 胥
 宜多 尤 不 宜 久 傷 銀 錢 終 古 不 磨 楮 幣 有 善 策 否 二 種 庫 且 貯 鈔 票 究 不
 淋地 涇 鼠 齧 蟲 傷 亦 所 難 免 虧 空 之 弊 或 且 百 出 各 庫 宜 嚴 定 限

制不許多存違者令後任據實揭報否則不肯官吏任意侵蝕庫
銀去任時則以楮幣充數設有一鈔而收於京師猶當其易之天下較入
法物皆便於交官不便於私用而省鄉曲小戶斷不以鈔買物不
其款既多且戶部登報捐項外而貧家小戶所交無幾因一紙之
收者亦多赴城坊交納而購求之利如都下之無異茲則九百之
頻入公門雖有錢而求之亦如貧家小戶所交無幾因一紙之
即准數戶自如錢票有鋪取錢亦如貧家小戶所交無幾因一紙之
若購千錢之物若購百錢之物若購十錢之物若購一錢之物
從其富商大賈銷毀且何若藏之金可賣物者繳出見錢九百
火皆其可虞易於銷毀且何若藏之金可賣物者繳出見錢九百
以官驗其真偽造鈔之真偽無從照驗外省尤未由知孰敢多收
交官慮者必不致貪此便者頓成赤貧且將追究根由孰敢多收
有顧慮者必不致貪此便者頓成赤貧且將追究根由孰敢多收
難相顧慮者必不致貪此便者頓成赤貧且將追究根由孰敢多收
之照不精詳自無遺憾惟日久竊恐弊端叢起若鄙人善體民情
計照不精詳自無遺憾惟日久竊恐弊端叢起若鄙人善體民情
銅版其地遠官收偽鈔處分亦宜酌定之初即預思世之
不其死也州縣實無術難辨認若總之此物一處分輕則不
示懲重則亦實有冤抑權衡難得其平總之此物一處分輕則不

私為第一事戶部乃造鈔總局尤不患無鈔宜隨收隨放封貯之項
終須重銀至戶部乃造鈔總局尤不患無鈔宜隨收隨放封貯之項
銀多王所奏廢銀用鈔銀萬不可廢也明於本之省支以資流轉
勤郡王所奏廢銀用鈔銀萬不可廢也明於本之省支以資流轉
折錢時之匱乏期於支款稍獲流通俟國帑之充或量加核減或以
濟暫時之匱乏期於支款稍獲流通俟國帑之充或量加核減或以
但行舊鈔不輕廢亦不支款稍獲流通俟國帑之充或量加核減或以
稿行則軍餉急需既易支持河工之修亦資籌備若目前法未覩原
其行則軍餉急需既易支持河工之修亦資籌備若目前法未覩原
事何由成乎以上各條不過率爾之詞乞資籌備若目前法未覩原
天下不瞻者皆官也十條不過率爾之詞乞資籌備若目前法未覩原
欲行鈔票先須分官阻撓鈔法雖定大吏勢不肯一吏皆有情面
難免牽掣特省分遠無損法且宜重罪大吏勢不肯一吏皆有情面
行知照家及紙也編天下一且宜重罪大吏勢不肯一吏皆有情面
固計國庫尤竭此則已大半年被兵與辦理防堵之區此通
生計至艱別庫心裁自能萬狀補救之術無轉移之權惟人賴乎
博承眾論出庫心裁自能萬狀補救之術無轉移之權惟人賴乎
亟宜明獎並召飲細商遂不辭瑣瀆今先無滯移之權惟人賴乎
收者治以應得之罪至崇通政所奏民問之款悉令搭收其鈔票
價長者商民借領不必限五家環保不問之款悉令搭收其鈔票
一年之限再行歸本亦愈近情數月之後商民皆深信弗疑交鈔
必日形其暢由中達外愈近情數月之後商民皆深信弗疑交鈔

者每銀一兩交制錢二千餘文地方官易銀批解在當日頗多需
潤近時則賠累異常此等州縣必更願收鈔解但合天下計之
不過十之二三所謂宜各就情形籌辦也前書尚有未盡再以
陳不過昨暢聆高論並細讀各條例殫思竭慮周妥精詳無微不至
曷勝欽服就中凡已放未放之鈔票概令加印罪名小戮一條有
為行鈔關匪此不能取信於民也此外大主意在思去路惟
商運一策但官運民銷乃劉晏行鹽之法其事易曉商運官票則
各省銀價正昂運民銷乃劉晏行鹽之法其事易曉商運官票則
以十日則前鈔價而論制錢六百即買鈔一千其利厚矣若各商
風踵至則鈔價日昂必制錢一千之錢方購一千之鈔其利厚矣
售聽其任意加價乎公公平交易乎聽其加價一千之鈔其利厚矣
奇小民何樂而購此若公平交易一千之鈔其利厚矣
人出重資經營數月並無利可賸暗中之賠折已多加以長途車
馬之費旅店食費之費尤不可勝計商人豈肯嘗試耶運鈔一節
康向未悉其所以然望開茅塞為幸康意蓋一面准各商販運一
面即准各商借照崇通政所議但取三厘之息復寬一年之期
仍展不月之限庶各商目下無須成本轉運即獲實利豈不更形
通約在兩月之後稍遠之慮上忙錢糧業經完納諺云有錢不買
半年間各商必須候至下忙方能獲利遷延日久目前之利亦覺
稍微然此時但冀其販運以重鈔之價要言不過四字曰務令其
行不能作許多顧慮他日其利孔多自必爭相購運斯鈔法果大
成矣昨早一箋已青及否孤枕無寐復思及高見謂當于當五
百二種大錢有礙寶鈔非奏停不可但此議出自巡防王大臣未

必遽允即允亦恐蹈治一經損一經之誦此時鈔法果否暢行尚
無把握若行而不暢則大錢又已停鑄更此一補救之物似非萬
全不如暫留大錢以便私用廣行寶鈔以便交官判為兩途不使
侵灌俟寶鈔流通商民咸利然後請停鼓鑄似乎兩得否則請將
每月鑄當千當五百之銅悉行加鑄當百大錢錢無嫌於多又便
零星行使助鈔法之所不及此議蓋與李午山給諫更熟籌之若
去夏甫鑄大錢之初寶鈔尚未定議彼時即多鑄當五百以下諸
錢且精益求精使不能作偽則一年以來所行已多亦足供一時
之支發寶鈔一物尚不能稍緩製造雖行錢不及行鈔之省便而錢
究易於通行惜乎只鑄當五十當十兩品籌辦已遲矣愚見偶及
再述以
質高明
商人白亮劉宏振設立總局收發寶鈔并

命戶部稽查冊 十月

諭內閣恭親王奕訢等奏商人呈請措費墊發寶鈔請旨遵行一
摺商人白亮劉宏振等呈稱情願攤借資本呈報戶部以備收發
寶鈔之用洵屬好義急公著照所請准該商等設立總局分開鋪
面無論寶鈔新舊錢數多寡均許持鈔到局支取錢票現錢仍由
戶部綜覈稽查以資流轉單開章程六條均著照議辦理後亦停

止戶部

官號道光二十五年內務府設立天元天亨天利天貞西天元等
五官號咸豐三年春戶部於署內設官票所復設立乾豫乾恒乾
豐乾益等四官號秋復設寶鈔局在東交民巷統歸官票所司員
管理寶鈔分局設在東華門外丁字街另派員管理復立宇升宇
恒宇豐宇泰宇謙起初簽商七年宇升閉歇八年清查虧空革除
商人改為官辦每號委司員二人均於咸豐十年停止 圓明園
八旗包衣三旗官兵設廣益官號在海甸老虎洞廣盛官號在樹
郵滿洲火器營設廣通官號在廊房頭條胡同廣亨官號在打磨
廠戶部

華陽吳祖椿校

經制志七

光緒順天府志六十

典禮

德清蔡慶年纂江陰穆荃孫覆輯

五禮肇於虞書詳於周官

國朝酌古斟今一新典禮經緯天地宰制萬物至矣備矣京師為
禮教所自出京尹又輦轂喉舌也上承經制下切訓行扶助風化
之責無忘匪懈之義胥於禮乎寓焉今以尹所主者箸於錄其非
專責則不書志典禮

進春禮 歲立春前日順天府府尹率所屬迎春東郊豫製春山

寶座按欽天監推春圖飾土牛及句芒神按年建干枝校正春牛

之色繪圖貼說立春在十二月望後芒神執策當牛肩在正月朔
後當牛腹在正月望後當牛腹示民農事早晚

春山一案芒神執策立土牛左合設一案各三案送禮部禮部豫

取學弟子員六十人舁案天文生八人導引大興宛平二縣設案

午門外正中立春前一時禮部各官咸朝服弟子員俱公服自部
昇案天文生前導由東長安門

天安門

端門各中門入至

午門前奉春山芒神土牛各陳於案府尹隨同禮部尚書侍郎率
屬畢會欽天監官報時屆執事者奉案禮部官前引尚書侍郎及
順天府府尹府丞從由

午門中門入

昭德門至

後左門外內監接昇禮部官前引尚書侍郎府尹府丞從詣

乾清門各官止立內監啟門舉各案入恭進如禮又奉二案由

熙和門中門入

永康左門中門前引後從如儀至

慈甯門內監接昇入恭獻如禮各官出皆退乃率僚屬執綵仗立

土牛旁擊鼓環擊土牛者三以示勸耕之意

大清通禮三十一

耕藉戒辨禮

歲仲春吉亥或用季春順天府先於嘉豐司各取

御用黃牛大興宛平二縣備從耕黑牛傳耆老農夫等豫期演習
備

躬耕絲鞭耒耜飾以黃服耜黃犢稻種青箱備從耕三王麥穀九
卿豆黍青箱鞭及耒耜朱飾服耜黝牛皆依期畢備 先一日順
天府官設耕器案以龍亭三分載

躬耕鞭耒種箱絲亭四分載麥穀豆黍種箱自

午門左門入至

太和殿下戶部官以次奉至

中和殿

皇上御殿閱畢戶部官奉耒耜青箱等件至

太和殿下授本府官由

午門左門出設綵亭內送至耕所通禮三十一

耕藉陳設禮 屆日順天府官陳

御鞭種箱龍亭於藉田之左陳耒耜龍亭於藉田之右陳麥穀豆

黍種箱綵亭於從耕藉田左右陳耕器農器於觀耕臺下東西兩

旁如儀集耆老四十四名按會典事例八百二十一云乾隆三十

四十四名改為三十四名其行禮時同候接套等事派令農夫幫

辦無庸多設至所給之劄另行撰刻惟誠以克勤農事本安分

等語從前存貯舊版即行燬銷並查實係土著現在當差者換

給新劄現不當差者即予除名舊領之劄飭令繳銷遇有缺出仍

由五城大宛二縣行取選用其有原非土著並不當差未經換劄

頂冒混充者查出將本人治罪舉報之地方官並未經詳查率行

批准之上司一併交部議處 上農夫十名中農夫十名下農夫十名於綵棚左

右設

親耕黃耒於

帝藉正中駕以黃犢其序位藉田之北正中為

躬耕位順天府府尹一人在左戶部尚書一人在右屆時鳴贊贊進鞭順天

府府尹奉鞭北面跪進戶部尚書跪進耒耜耆老二人牽牛上農夫二人扶

犁順天府府尹執青箱戶部尚書隨播種從行工歌三十六禾詞唱和從

行辭曰光華日月開青陽房星晨正呈農祥

帝念民依重耕桑肇新千藉考典章吉蠲元辰時日良蒼龍變輅

臨天闔青壇峙立西南方犧牲簠簋升芬芳

皇心祇敬

天容莊黃幕致禮虔誠將禮成移蹕天田旁土膏沃洽春洋洋黛

犁行地牛服韁司農種稔盛青箱洪縻在手絲鞭揚率先稼穡為

民倡三推一墾制有常五推九推數遞詳王公卿尹咸贊襄甸人
千耦列雁行耨鋤既畢恩澤滂自天集福多豐穰來牟薈藹森紫
芒華薌赤甲秬稭秠稷三種黎白黃稷粟堅好碩且香糜芑大
穗盈尺長五菽五豆充壠場糝粢糜粳九色糧蜀秫玉黍兼東廡
烏禾同收除童梁雙歧合穎遍理疆千箱萬斛收

神倉四時順序百穀昌八區九有富蓋藏歡騰億兆感

聖皇

皇帝三推三返每歲奉加一推一返旨畢歌止

躬耕禮畢順天府府尹以青箱復於龍亭鳴贊贊受鞭順天府府

尹跪受鞭戶部尚書跪受耒耜復置龍亭內禮部奏

御觀耕臺序班引順天府官屬及耆老農夫服本色服持農器至
臺前西偏北面東上重行序立聽贊行三跪九叩禮三王九卿以

次受鞭耒從耕順天府屬丞倅各官一人執青箱一人隨播種畢

釋鞭耒執事官以青箱復各綵亭內順天府大興宛平兩縣官率

耆老農夫至耕耨所終畝順天府報終畝禮部奏請受賀按此

異篇乾隆二十三年

諭吉亥耨畝所重劭農黛耜青箱番罽笠咸寓知民疾苦之意
而設棚懸綵以芑風雨義無取焉吾民涼雨犁而赤日耘雖襍稊
之尙艱豈炎溫之能避且片時用而過期撤所費不啻數百金是
中人數十家之產也其飭除之三十九年奉

旨嗣後耕耨時觀耕臺著添蓋幄次嘉慶十六年

諭向來耕耨典禮於親耕後升觀耕臺閱視從耕之三王九卿以
次俱畢然後順天府府尹等率父老耆民謝恩維時父老等散布
耨田招集需時行禮匆遽未足以肅觀瞻嗣後著該府尹等豫飭

父老耆民整齊排列於親耕後升觀耕臺時即率領至臺下先行謝恩朕俟謝恩禮畢再閱從耕用昭整肅若逢

時巡省方遣官祭先農壇禮畢順天府府尹率屬耕藉九推九返農夫終畝畢望

闕行三跪九叩禮儀與直省同通禮三十一日准禮部片開太常寺文稱本年三月十三日祭先農壇於二月十四日題十六日奉旨遣奕詳恭代欽此欽遵所有耕藉事宜臣等謹遵照直省督撫之例辦理於本年三月十三日

率同僚屬祇行耕藉典禮謹題
藉田登穀收貯禮 屆秋成順天府以

帝藉所收穀數奏
聞下禮部詠吉交太常寺收貯通禮三十一日兼尹萬青藜府尹周家楣題玉粒告成請勅部擇吉存倉疏本年三月十三日臣等率同僚屬遵直省督撫之例將耕田耕種今五穀登場收穫事竣據大興宛平二縣申報收穫稻子八斗八升三合七勺黍子三石九斗六升二合二勺穀子十四石六斗一升六勺麥子五斗九合八勺豆子

八斗二升四合三勺共五穀二十石七斗九升七勺理合恭疏題請勅部行令欽天監選擇吉期知會太常寺恭納神倉以備黍盛謹題 又十一月三十日兼尹萬府尹周題藉田玉粒交納疏光緒四年十一月二十九日禮部文開據欽天監選擇得本年十二月初八日癸未宜用巳時吉臣等遵於十二月初八日巳時躬率僚屬時藉田所收稻黍穀麥豆共二十石七斗九升七勺恭納神倉交與太常寺敬謹收存訖循例疏題

鄉飲酒戒賓介禮 歲孟春望日孟冬朔日舉鄉飲酒之禮於學宮禮部侍郎一人監禮順天府府尹為主人以鄉之年高六十以上有德行者一人為賓其次一人為介又其次為眾賓以教官一人為司正學弟子習禮者二人司爵二人贊禮二人引禮一人讀律令僚佐皆與前期戒賓賓禮辭許戒介如之雍正元年

諭順天府府尹鄉飲酒禮乃敬老尊賢之古制近聞年久視為具文所備筵燕亦多草率爾衙門應加謹舉行

鄉飲酒陳設布席禮 先一日司正率執事者詣講堂肄儀設監

禮席次於庭東北向布賓席於堂西北南向主人席於東南西向
介席於西南東向衆賓之長三人席於賓西南向東上皆專席不
屬衆賓席於西序東向僚佐席於東序西向皆北上司正席於主
人之東北向如有鄉大夫來觀禮者坐於東北一設律令案一於
主介間正中東西肆又設尊案一於東序端南北肆樂部和聲署
設樂縣於西階下如儀通禮三十八

鄉飲酒迎賓介禮 屆日質明執事者入具饌設尊於案實酒於
尊加冪勺觶爵在尊北讀律者奉律令陳於中案既辦禮部侍郎
朝服詣學宮就次監禮主人率司正及僚屬咸朝服入乃使人速
賓介主人立東階下西面僚佐序立於主人之後西面北上司正
讀律令者立僚佐之南北面西上贊禮者一人立東階下又一人
立庠門之外均西面屆時賓介盛服至序立於庠門外之右介居

賓南衆賓居介南皆東面北上執事者以賓至告於主人主人出
迎賓西面揖賓介以下東面答揖主人入門左賓揖介介揖衆賓
以次入門右當階主人揖及階揖賓皆答揖主人與賓讓升三讓
賓三辭主人升賓乃升主人東階上賓西階上贊者贊拜主人西
面再拜賓東面答拜興卽席主人降階延介一讓升介升拜如賓
禮就位主人迺延衆賓衆賓以次皆升主人揖賓長皆答揖衆賓
卽席主人率僚佐以下咸卽席 其揚觶禮贊禮者贊揚觶執事
者引司正由東階升詣堂中北面立賓介皆起立贊揖司正揖賓
介以下答揖司爵詣酒尊所舉冪酌酒於觶進授司正司正揚觶
而語曰恭惟

朝廷率由舊章敦崇禮教舉行鄉飲非爲飲食凡我長幼各相勸
勉爲臣盡忠爲子盡孝長幼有序兄弟恭內睦宗族外和鄉黨

無或廢墜以忝所生讀畢贊者贊司正飲酒司正立飲畢以解授
執事者反於案贊揖司正揖賓介以下皆揖司正復位賓介以下
皆坐其讀律令禮贊讀律令執事者舉律令案於堂中引禮引
讀律令者就案前北面立賓介主人以下聽贊咸起立旅揖如司
正揚觶禮迺讀律令曰律令凡鄉飲酒序長幼論賢良高年有德
者居上其次序齒列坐有過犯者不得干與違者罪以違制失儀
則揚觶者以禮責之讀畢復位賓主以下皆坐通禮三十八
鄉飲酒主賓獻酢禮贊者贊供饌執事者舉饌案於賓前次介
次主人衆賓以下徧舉訖贊獻賓主人起離席北面立司爵詣酒
尊所酌酒實爵授主人主人受爵詣賓席奠於案稍退賓避席立
於主人之左贊拜主人再拜賓答拜皆復位立贊賓酢主人賓離
席司爵執酒授賓賓受爵介從詣主人席前拜送爵主人答拜如

前儀復位主人起獻介介酢主人如前儀皆坐執事者徧獻三賓
衆賓爵訖其樂賓禮酒數行工升歌周詩鹿鳴三章卒歌笙奏
御製補南陔詩辭曰我逝南陔言陟其岵昔我行役瞻望有父欲
養無由風木何補我逝南陔言陟其岵今我行役瞻望有母母也
倚閭歸則寔止南陔有筍簞實勺之孱孱孩提孰噢咻之慎爾温
清潔爾旨肴今爾不養日月其怙

御製補白華詩辭曰有白者華不污纖塵咨爾士兮宜修其身不
修其身迺貽羞於二人有白者華婉茲靜好咨爾女兮宜修婦道
不修婦道迺貽羞於二老白華匪玉涅而不緇白華匪蘭芬迺勝
之我擷白華載詠載思白華匪玉質玉之令白華匪蘭臭蘭之淨
我擷白華載思載詠

御製補華黍詩辭曰瞻彼阪田厥黍始華賦足胼手嗟嗟我農夫

瞻彼阪田黍華以秀胼手胼足惟勤斯殖茂華有不秀矣秀有不實矣其雨其雨矣杲杲出日矣怒予愁之恤矣間歌周詩魚麗南有嘉魚南山有臺三章笙奏

御製補由庚詩辭曰王庚便便東西朔南六符調燮八風節宣王庚容容朔南西東維敬與勤百王道同王庚廓廓東西南朔先憂而憂後樂而樂王庚恢恢南朔東西皇極孰建惟德之依

御製補崇邱詩辭曰澗松童童蛙黽鄰兮邱草萋萋蕩青雲兮凡百君子慎迺託身兮澗松童童則卑兮邱草萋萋則崎兮凡百君子審迺所依兮有崇者邱物無不遂有卓者道愚無不智資生育德永植母替

御製補由儀詩辭曰在上曰天在下曰地君君臣臣父父子子在下曰地在上曰天父父子子君君臣臣由其儀矣物則熙矣儀其

由矣物則休矣迺合樂歌周詩關雎三章召南鵲巢三章卒歌工告備出執事者行酒主賓以下飲無算爵通禮三十八

鄉飲酒徹饌賓出禮贊禮贊徹饌衆起離席主人率僚屬在東西上賓介在西東上皆北面贊拜主人再拜賓介以下皆再拜賓降西階出介及衆賓從立庠門外之右東面北上主人降東階出僚屬從送賓於庠門外之左西面旅揖賓介退禮卒無愆禮部侍郎出主人率僚屬送於庠門外皆退通禮三十八

朔望宣講禮京師五城順天府大興宛平二縣各飭所部民齊集公所選醕謹耆老一人為約正有司公服涖恭宣

世祖章皇帝欽定六諭

聖祖仁皇帝聖諭十六條

世宗憲皇帝聖諭廣訓兵民圖聽宣畢各退通禮三十八

嘉慶六年

諭朕於上年曾經降旨令各省有司每逢朔望謹將
聖諭廣訓剴切宣示俾小民知所領悟各地方官自應實力奉行
况京師為首善之區尤宜先為開導以期化行自近嗣後五城順
天府大興宛平二縣各官選舉鄉約耆老於朔望之日宣讀
聖諭廣訓按期講論毋得視為具文日久廢弛以副朕化民成俗
至意

文鄉試禮 順天鄉試府尹領之前期禮部疏請

命兼管府尹或府尹一人為監臨官 又六部滿洲侍郎 府丞提調

試闈內外事宜八旗都統順天直隸奉天各府州縣將軍城守尉
禮送學政所錄羣士及駐防各生會京師國子監錄肄業貢監生
及八旗滿洲蒙古漢軍馬步射合式之貢監生應與鄉試之七八
品筆帖式小京官等送府提調官按八旗府州縣簿籍應試諸生

分別官生民籍序定名冊備試卷蓋用順天府印 按會典事例八

天鄉試蓋用順天府印令府尹親自監視不得僅委治中凡印卷
每束四十本令印卷官查清用印另行封固送入場內並令禮部
另鑄入場內於試卷送進時逐卷鈐印以昭慎重而防盜換
臨帶入場 依時
畢辦由順天府題請

勅下禮部開列主考同考官應差職名題請

欽點其內簾糾察御史內監試御史外巡察御史由順天府移咨

都察院開列應差職名咨送禮部題請

欽點其外簾供備至時巡察御史啟門進試卷及謄錄生醫匠吏
役皆搜檢迺入闔門提調官監試御史坐至公堂籤掣四所官各
治其事眠吏鈐諸生坐號於卷面以辨號舍按冊序次書諸生姓
名於版屆日出諸生姓名版分設東西轍門外持版胥一人主進
吏一人平明應試諸生畢集主進吏以版序諸生於門外胥持版

先由東西執門魚貫序進大興宛平二縣涖之又進聽唱名受照
 入籤巡察御史涖之又進聽搜檢及大門再聽搜檢皆王大臣涖
 之迺交照入籤主進吏以版出諸生進至二門聽唱名給卷監察
 御史涖之入外龍門歸號舍晡後畢入御史闔內外門鎖鑰加封
 會提調官眠吏徧封諸號舍門禁斷出入及夜明燈嚴棘垣巡警
 試日漏未盡啓內龍門考官坐門內提調官坐門外吏昇題紙及
 門提調吏於門外接出闔門以題紙徧布諸生供給官按凡鄉會
試供給事
宜俱由大宛兩縣辦理鄉試糧
馬通判主之會試治中主之 早晚具飲食送號舍皆提調官涖
 眠之越日完卷提調官會御史啓號舍門諸生持卷赴至公堂交
 受卷官鼓吹作啓門各給照出籤序出二三場試五經文試策由
 考官擬題均於次日疏陳
 御覽餘與首場同其首場題目試前一日五鼓順天府尹詣

乾清門請題目

欽命首題四子書文題三道五言八韻排律詩題一道緘封貯函
 內加鎖鑰匙鑰由考官祇領
入場臨期啓用 府尹齋詣試闔巡察御史會啓大門
 監察御史啓外龍門府尹以題函授監臨監臨奉入至公堂外簾
 吏報鼓內簾吏傳金考官肅立內簾門內提調及監試御史會啓
 門監臨以題函授考官考官恭接入闔門迺啓題函恭錄付梓人
 刊題紙 士子每場試畢受卷官黜去不合式者彌封所糊姓名
 坐號別鈐內號登諸簿籍謄錄所易書以硃對讀所校讎譌錯改
 注以頽黃皆提調官涖眠之既畢外監試眠吏送入內簾內監試
 眠收掌官受卷迺分卷於同考各官閱以藍筆有佳卷則薦內監
 試書薦官職銜送考官閱以墨筆考官閱將畢豫擇揭曉日移提
 調官轉飭內外供辦前數日考官選中式上卷十本密封具奏由

提調官轉授府尹進呈

御覽

欽定甲乙封還考官揭曉前一日設案於內簾堂內正副考官府尹案南向提調監試官案北向同考官東西向設榜案於中設卷案於考官案前晡後府尹齋印至闈提調監試官啓大門延入遂徧鎖諸門及夜明燭內簾官於內龍門內府尹及外監試官於門外啓門吏奉印前府尹入各官皆入相見揖升堂吏置印於府尹案上外簾吏舁墨卷陳於堂東內簾吏舁中式硃卷陳於卷案書榜吏以榜紙設於榜案均立其次御史封龍門嚴出入衆揖就位吏啓箱取硃卷置案上啓封高唱卷面名次及內號堂東吏檢墨卷持至案前校對硃墨卷相符遂拆墨卷彌封以墨卷授正考官書名次以硃卷授副考官書姓名別錄一紙授吏依次唱姓名及

某府某縣生徧告在位者書榜書題名錄既畢吏斂硃墨卷於箱奉印鈐榜封題名錄於函置中案上前設香案主考官以下更朝服詣香案前重行北面行三跪九叩禮興傳金報鼓自內龍門至大門洞開輿人以綵亭入榜出吏奉印前府尹與考官揖出及至公堂陳榜於亭舁行鼓吹前導縣揭順天府衙前各官皆出提調官以題名錄恭進御覽以卷送禮部士子三場試畢之次日迺屆試宗室士子前期稽察宗學大臣錄官學生等由宗人府冊列馬步射合式者送府府丞備試卷至日聽點名搜檢給卷入號如前欽命四子書文題一道五言八韻排律詩題一道日入交卷啓門序出受卷官黜去不合式者糊名送簾提調官以試卷數目咨府尹奏請中額知照內簾考官標擬中試卷固封具疏交提調官轉

授順天府官齋詣

宮門

欽定甲乙封還考官監臨官拆名書榜送至宗人府衙門張掛以
題名錄疏上 文闈揭曉之次日 如遇武會試之年 於武闈揭曉次日行繙譯鄉試

禮前期宗人府八旗滿洲蒙古漢軍都統冊列馬步射合式者交

理通順之貢監生員中書七八品筆帖式小京官及直省駐防之

生監等送府提調官分別考試滿洲文藝蒙古文藝序名冊備試

卷屆期禮部疏請

命內外簾官如制各官遂偕監臨官及提調官順天府府丞入闈

進試卷及吏役 案其餘均如順天鄉試儀不備錄 試前一日五鼓順天府府尹詣

宮門請題 欽命四子書清字論題密封函貯府尹齋送入闈監臨官轉送內

簾 餘均定期揭曉張榜於宗人府順天府衙前提調官上題名錄

以試卷送禮部 通禮三十九

武鄉試禮 順天武鄉試亦府尹領之兵部遴選滿漢郎中員外

郎主事四人提調武鄉試內外事宜入旗滿洲蒙古漢軍順天府

直隸府州縣並奉天府屬州縣冊列學政所錄武生及應與鄉試

之兵生等註明兵力送府府尹按人數均分四冊豫送兵部繕籤

封固以俟外場期將屆兵部疏請

命監射監試各官並遴選監射章京四人以府尹序定名冊會同

掣籤分隸四圍首場試以馬射每圍立大靶三相去各三十有五

弓設地球一平明應試諸武生畢集聽唱名魚貫序進以次馳馬

二市每發三矢復射地球一矢弓以三力為率以每射得雋合計

中三矢者為合式於左臂印以識之其不入選者另榜揭示迺就

騎射合式諸武生以步射爲第二場圍立大靶一長五尺有五寸廣二尺有五寸相去率三十弓諸武生既集唱名如前驗臂印序入連發六矢中二矢以上者爲合式弓率五力迺試技勇弓刀石等各三弓十有二力刀百有二十劬爲上等遞減以二數石重三百劬者爲上等二百五十劬者次之二百劬者又次之弓必引滿刀必舞花石必去地尺三者具舉中有一二上等者爲合式於右臂印以識之每圍監試人具名册一密爲標識試畢公同較閱分定雙好單好封送內場交提調官收貯監試御史掌其鑰榜示合試諸生入內場監試御史遂入內闈稽出入府尹備試卷試期前二日兵部疏請

命正副考官及內簾外簾官屆日應試武生由東西轅門聽唱名入聽搜檢巡捕營弁蒞之至大門復聽唱名入大宛二縣蒞之

內場

事宜均如文鄉試

考官密於武經二書內擬題一道付刊漏未盡啓內龍門吏昇題紙出闔門徧布諸武生默寫畢交卷出御史監同印卷彌封官印定雙好單好字樣并弓刀石馬射步射地球分別填註送入內簾主考官閱以頽黃筆先於雙好卷內取中如不足額再於單好卷內取中定期揭曉榜掛順天府衙前府尹刊試錄恭進

御覽通禮三十九

文武鄉試燕禮 順天鄉試揭曉翼日燕主考同考執事各官及貢士於順天府曰鹿鳴宴以府尹主席其日府署望闕設香案樂部和聲署陳樂委辦供給縣佐貳官具燕眠布席於堂主考監臨副都統內外簾監察御史席均南向府尹提調席北向東西兩楹席各三行一行爲同考官二行爲外簾官三行爲參領守備及巡綽等官印卷供給官席在提調官左稍後供事官暨

官席在檐下縣令以下委辦供給官席露臺上均東西向鄉貢士席於階下第一名席稍前西向宗室貢士及諸貢士席東西向黎明主考各官朝服貢士吉服赴

午門謝

恩畢諸貢士先詣府署二門候主考以下至皆一揖讓過隨入監試御史至二門內降輿主考副都統至堂下降輿治中通判迎於儀門外尹丞迎於堂檐下禮生引至香案前聽贊行三跪九叩禮畢簪花升堂和聲署樂作貢士序立階下北面再拜主考副都統監臨監試提調同考各官答揖外簾執事府佐縣令以下各官均答拜畢府尹至堂檐下執事官授爵酌酒府尹南向揖酌酒三偕丞揖主考副都統監試官就位府佐揖同考官以下就位主考各官揖尹丞亦如之登歌鹿鳴之章酒三行饌再舉燕畢復詣香案

前行一跪三叩禮主考以下乘輿出送如迎儀 武鄉試揭曉翼

日燕監射主考執事各官及武舉於順天府日鷹揚宴儀與鹿鳴

宴同歌詩亦同

通禮四十

進士傳臚設宴禮 傳臚日宴一甲進士於順天府兼尹府尹府丞穿朝服齊赴東長安門外綵棚內坐候一甲進士傳臚出至棚內一揖簪花披紅觴酒三盃送上馬大宛兩縣備銀瓜旗傘鼓樂至順天府二門外下馬由東階上尹丞迎於堂檐下治中通判由西階率禮生導引至月臺香案前謝

恩一甲三人居左尹丞居右行三跪九叩禮畢揖讓升堂案席奏樂起席仍導引至香案前行一跪三叩禮尹丞自堂檐下揖送治中通判由甬道送至二門候上馬尹丞更補服隨送歸第至第狀元出迎升堂東西面各再拜迺宴如前儀

順天府冊

京師救護日食禮 前期五月欽天監豫推日食分秒時刻上疏以

聞下禮部前一月具疏傳在京文官漢武官會禮部行救護禮至

日順天府官飭役赴部潔掃堂署內外設香案於露臺上鑪祭具

早晚隨日為向布百官拜席於香案後百官素服詣部祇候迺辨位順天

府京縣與刑部都察院大理寺刑科光祿寺五城為四班共五班

禮部尚書侍郎領之欽天監官報日初虧鳴贊贊齊班序班引百官至拜位

前立贊進少進贊跪叩與眾行三跪九叩禮興贊上香禮部尚書

進至香案前三上香畢復位贊跪皆跪贊伐鼓署吏奉鼓進跪於

左禮部尚書伐鼓三聲儀門外金鼓振作迺按班上香均如欽天

監官報日復圓百官聽贊行禮如初畢各退通禮四十四月食救護禮在太常

寺祇行順天府則在本署行禮

京府官屬相見禮 府尹府丞相見行敵體儀治中通判見府尹

如直省司道見督撫儀直省司道見督撫至大門外降輿入及儀

先行司道隨入及廳事司道當楣北面稟參督撫辭乃三揖督撫

西面答揖如初督撫送至屏門外司道三揖俟督撫入門復三揖

趨出至大門外乘輿督撫次日用名柬答拜若公事謁見常服通

銜名三揖就見府丞如司道見學政儀具銜名柬儀門外下輿由

坐餘如前儀見府丞如司道見學政儀具銜名柬儀門外下輿由

檐下三揖由中門步出學政用名柬答拜凡司道揖學政皆答揖

屬下州縣教職見府尹如州縣見督撫儀轅門外下輿馬升堂北

揖督撫皆立受不迎送見府丞如見司道儀送餘如知府見儀不迎

其待茶等儀如司道見府丞如見司道儀送餘如知府見儀不迎

府東位西面司道位於西南東見治中通判如見府倅儀堂檐下

北如其待茶等儀與督撫同見治中通判如見府倅儀堂檐下

府倅儀見知府一跪三叩禮不揖不坐見府倅

奉迎如州縣見司道儀通禮四十四

遺誥禮 誥下之日順天府府尹率屬制服跪迎奉安於公署朝
夕哭臨三日二十七日釋服不薙髮止昏嫁百日邊音樂期年京
師軍民男去冠飾女去首飾素服二十七日不薙髮過音樂百日
止昏嫁一月

通禮四十八 按順天府凡遇 梓宮移奉
山陵則於經過所轄地方飭屬除道

華陽吳祖椿校

